



欽定皇輿西域圖志

ル 5
104
16

十六



凡5
204
16



欽定皇輿西域圖志卷之二十六目錄

水三

天山北路二

空格斯郭勒

喀什郭勒

特克斯郭勒

塔勒奇郭勒

伊犁郭勒

察罕烏蘇

欽定皇輿西域圖志

卷之二十六

目錄

所錄文
有詢那

阿里瑪圖郭勒

策集郭勒

薩瑪勒郭勒

奎屯郭勒

塔里雅圖布拉克

阿斯哈郭勒

塔拉錫克郭勒

古爾班賽里郭勒

圖爾根布拉克

二十六目錄

塔拉噶爾郭勒

額什圖郭勒

庫爾圖郭勒

奎屯郭勒

庫克烏蘇郭勒

哈喇塔勒郭勒

察林郭勒

哲克得郭勒

必齊干郭勒

金定皇朝西域圖志 卷二十一
二
巴克伯勒齊爾郭勒

巴勒喀什淖爾

巴倫裕勒都斯郭勒

特爾默哈達布拉克

布蘭布拉克

哈爾噶納圖布拉克

準裕勒都斯郭勒

布拉圖布拉克

扎噶蘇台布拉克

格訥特布拉克

烏里雅蘇圖布拉克

烏爾圖布拉克

謨海沙喇布拉克

什巴爾台布拉克

賽喇木布拉克

雅瑪圖哈布齊勒布拉克

古爾班努庫爾布拉克

哀哈布齊勒布拉克

察罕烏蘇

巴倫哈布齊垓郭勒

多木達都哈布齊垓郭勒

準哈布齊垓郭勒

圖斯庫勒

吹郭勒

薩拉圖郭勒

沙木什郭勒

烏蘭烏蘇郭勒

格格圖郭勒

阿什圖郭勒

達布蘇圖郭勒

阿爾察圖郭勒

伊蘭巴什郭勒

庫克薩爾郭勒

索郭魯克郭勒

察罕烏蘇郭勒

哈喇巴勒圖郭勒

古爾班哈納圖郭勒

阿什布魯爾郭勒

墨爾根郭勒

和什庫勒

塔拉斯郭勒

額得墨克郭勒

古爾班哲爾格郭勒

哈喇郭勒

庫穆什郭勒

哈喇布拉郭勒


森格爾淖爾

阿爾沙郭勒

明布拉克

阿克庫勒淖爾

必庫勒淖爾



欽定皇輿西域圖志卷之二十六

水三順合武天源出動畢以故神臨師官赫劉聖

並曰天山北路二公順與池去懸在塔温具流蘇

空格斯郭勒之六神無兼蘇昌興雲步之于臨蘇

源出空格斯東額通古里達巴西

麓其水西北流三百餘里至都爾伯勒津西南

會特克斯郭勒又西流三十里東北會哈什郭

勒入伊犁郭勒乾隆二十八年秩於祀典每歲

春秋致祭

歲祭空格斯郭勒文。

惟神洪源遠布。遐澤旁敷。潤西域之神臯。灌輸攸賴。隸北庭之都護。耕牧稱繁。巨嶺東來。束岡巒之蜿蜒。大河西折。作襟帶於伊犁。環沙漠以揚流。効地靈而播德。含滋有慶。命典聿昭。朕撫恤羣藩。削平諸部。百靈効順。張雷動之六師。庶彙咸昌。興雲屯之千耦。惟茲巨川之利濟。實爲神爽所式憑。在昔飲馬長流。澄波旣慶。卽今洗兵蒙汜。渥澤均沾。特詔祠官。載隆望祀。屆春秋而將享。丕昭漸被之庥。練時日以潔蠲。克

集懷柔之福。承茲永秩。式此居歆。

喀什郭勒。

喀什郭勒。在空格斯郭勒北。源出喀什東一百二十里。哈喇古顏鄂拉南麓。其水西南流二百四十里。至都爾伯勒津。西會空格斯郭勒。特克斯郭勒。西入伊犁郭勒。乾隆二十八年。秩於祀典。每歲春秋致祭。

歲祭喀什郭勒文。

惟神澤沛金方。靈昭坎德。匯特克斯而共注。衆派同

歸。經固爾扎以分流。平原獨沃。淵澄方折。記玉水之
潏洄。績著安瀾。靜銀波之浩淼。効靈不爽。錫典宜隆。
朕撫定遐陬。救寧荒服。塞烟隴月。駐細柳以開營。雪
浪風濤。挾飛艎而競渡。惟念斯河之天險。益欽今日
之波恬。粵稽嘔鹿名州。益增式廓。爰布沈狸令典。用
妥神明。康我邊陲。永秩春秋之祀。綏爾藩部。共歌清
晏之庥。肅此苾芬。尙其昭格。

特克斯郭勒。

特克斯郭勒。在伊犁西南一百五十里。源出汗

騰格里鄂拉北麓。東流三百餘里。北會空格斯
郭勒。又西流四十餘里。至都爾伯勒津。哈什郭
勒東北入之。會入伊犁郭勒。河自發源處東行。
南北山泉。支流咸會。其在南山近西者。曰沙拉
揚子布拉克。又東曰古爾班哈巴布拉克。又
東曰哈爾袞布拉克。又東曰古爾班木素爾布
拉克。又東曰察罕烏蘇。又東曰阿古野斯布
拉克。又東曰古爾班莫力台布拉克。又東曰特里
克布拉克。又東曰庫克烏蘇布拉克。又東曰和

爾代布拉克。又東曰古爾班濟爾噶朗布拉克。其在北山近西者。曰阿爾班布拉克。又東曰哈爾噶朗圖布拉克。又東曰色勒圖布拉克。

塔勒奇郭勒。

塔勒奇郭勒。在塔勒奇鄂拉南谷口外天山下。西南流一百二十里。入伊犁郭勒。

伊犁郭勒。

伊犁郭勒。東西經伊犁境內四百餘里。東會空格斯郭勒。西南會特克斯郭勒。東北會喀什郭

勒。合而西流為伊犁郭勒。南北支流不一。其北流為固爾扎郭勒。又西為古爾班察罕烏蘇。又西為阿里瑪圖郭勒。又西為策集郭勒。其南流為呼那海博拉郭勒。又西為古爾班哈爾奇拉。合郭勒。合而西流四百餘里。折而西北流。又四百餘里。南會支河北行二百里。東入巴勒喀什淖爾。乾隆二十五年。西域平。遣官告祭。每歲春秋致祀。

告祭伊犁郭勒文

朕受

命承家。化綏億域。懷神秩禮。馨格一心。爰從乙亥之春。王師申討。始達伊犁之境。時雨効靈。準人旣卽。敘以救寧。回部更偕來而式廓。波恬兩岸。屢憑舟騎之通。派合千山。早受版章之隸。惟神嘉貺。翊我大勳。萬里而遙。久繪圖以攬勝。五年而近。常挾藻以抒忱。特崇賚帛之文。肇舉祭川之典。瑞升雲物。自今加澤編氓。功溉土田。以歲長歆國祀。浩浩崑墟之北。比於瀆尊。洋洋蒲海之東。昭茲坎德。醴牲用潔。遣告維虔。乾隆

二十五年月日

歲祭伊犁郭勒文。

惟神洪源遠濬。沛澤旁敷。作襟帶於兌方。朝宗有本。協盈虛於坎德。用涉咸昭。境過渠搜。遐控流沙而外。地連越匿。舊傳伊列之名。環絕域以含滋。亘平原而布潤。効靈不爽。錫典宜優。朕撫馭寰輿。救寧荒徼。定準噶爾之全部。剗木遙通。俘厄魯特之名王。恬波共慶。惟茲巨川之利濟。實當大漠之隩區。聲教所宣。懷柔悉協。在昔六師飛渡。旣彰孚佑之庥。於今千耦興

屯。益溥灌輸之利。爰隆秩祀。特詔祠官。頒制帛以孔
虔。練吉辰而肇舉。春秋將事。萬里宏漸。被之規。牲醴
薦馨。諸藩享澄清之福。尙希昭格。來饗苾芬。

唐書突厥傳。因伊列河約諸部。河以西受令於
咄陸。其東陞利失主之。自是西突厥又分二國
矣。又顯慶初。蘇定方爲伊麗道行軍大總管。討
賀魯。定方破其牙。賀魯跳渡伊麗水。

按天山以北諸水。以圖斯庫勒。巴勒喀什。淖
爾爲大。伊犁爲巴勒喀什上流。經流千里。川

墟交匯。唐名伊列。亦曰伊麗。當爲一河。又地

理志北庭都護府注。過思渾川。蟄失密城。渡

伊麗河。一名帝帝河。至碎葉界。則今之伊犁

郭勒。在唐又名帝帝河也。

察罕烏蘇。

察罕烏蘇。在塔勒奇郭勒西。凡三河。亦名古爾

班察罕烏蘇。南流入伊犁郭勒。又西爲阿里瑪

圖布拉克。乾隆二十八年。秩於祀典。每歲春秋

致祭。

歲祭察罕烏蘇文。

惟神敷澤遐方。分流絕徼。波心澄澈。鋪一片之白銀。天色空明。映千層之素練。沃壤則波羅塔拉。遙待灌輸。遠峯則哈喇古顏。若為環抱。泝源有自。利涉攸資。朕統馭八紘。昭宣七德。設候流沙以外。載拓堯封。洗兵瀚海之西。遠恢周索。神効靈以僉應。

天助順而成功。惟茲察罕之川。近在伊犁之域。當王師之度塞。相予宏勳。洎都護之屯田。溥茲美利。土膏滋液。應坎德以濟生民。水氣和甘。徧兌方而宣渥惠。爰

稽故典。載肅常禋。奠玉幣以孔虔。練春秋而致告。吉蠲將事。列四瀆之崇班。肸蠭丕昭。錫千秋之繁祉。庶希鑒格。永祚塞垣。

阿里瑪圖郭勒。

阿里瑪圖郭勒。在伊犁郭勒北。固爾克郭勒西。濱河有果木。南流入伊犁郭勒。乾隆二十八年。秩於祀典。每歲春秋致祭。

歲祭阿里瑪圖郭勒文。

惟神德洽盈虛。功資灌漑。屬塔勒奇之左幹。帶水分

流環海。弩克之西偏。平沙交錯。涵濡嘉植。千林呈離實之英。迴抱長川。萬井沐滋培之益。地靈克効。祀事孔將。朕旣纘武功。用敷文命。東風受吏。聿彰柔遠之謨。溟海來王。共叶安瀾之慶。緬神功之布潤。蔚物產之含滋。秋實春華。平衍溥自然之利。濟川作楫。利涉占攸往之宜。特詔祠官。祇申歲祀。錫鴻儀於望秩。肅薦馨香。答靈貺於元冥。永光俎豆。春秋勿替。昭鑒在茲。

策集郭勒。

策集郭勒。在伊犁郭勒北。東北距博羅和洛鄂拉五十里。南流入伊犁郭勒。乾隆二十八年。秩於祀典。每歲春秋致祭。

歲祭策集郭勒文。

惟神導源西極。疏派北庭。抱巖谷以奔趨。莫禦激湍之勢。漑土田而沃衍。聿宏潤物之功。細浪翻銀。脈絡遙連乎察罕。長虹飲練。尾閭下注乎伊犁。禹跡未通。靈境軼大荒。經外。堯封新拓。嘉名補王會圖中。朕撫育寰區。救寧邊徼。武功丕振。全收葱嶺之河。屯政肇

修遠引蒲昌之海。惟名川之用涉。宜昭報之有加。承坤德以流甘。位兌維而布潤。往歲六軍飲馬。式彰呵護之靈。今茲重譯款關。胥受懷柔之化。爰崇明祀。特勅所司。陳璋邸以升馨。潔彝尊而致告。澄波淼淼。永環都護之城。流水泱泱。遙繞祁連之嶂。益甄靈貺。尙鑒精誠。

薩瑪勒郭勒。

薩瑪勒郭勒。在伊犁郭勒北。東北距博羅和洛鄂拉二百里。南流。東爲額蘇克郭勒。西爲奎屯。

郭勒。伊犁郭勒北岸土田。均資漑沃。乾隆二十八年。秩於祀典。每歲春秋致祭。

歲祭薩瑪勒郭勒文。

惟神靈源夙著。渥澤常濡。居額蘇克之上游。衍伊犁河之別派。遙岑北拱。萬疊雲連。大水南環。千條練瀉。亘神臯而利濟。滋絕域以含膏。奠彼迴瀾。昭茲秩祀。朕誕敷文德。式郭輿圖。輯部落於荒陬。功惟作潤。軫羣黎之日用。期以飲和。惟坎功之用涉。咸昭斯戍。校之開屯。有藉。遣專官以致享。典肅春秋。酬靈貺而告。

金定皇興西域圖志 卷二十六
六
虔。吉陬辛甲。奎屯上下。益恢聲教之隆。策集東西。共受明禋之賜。神其昭鑒。薦此椒馨。

奎屯郭勒。

奎屯郭勒。在伊犁郭勒北。策集郭勒西。南流入伊犁郭勒。乾隆二十八年。秩於祀典。每歲春秋致祭。

歲祭奎屯郭勒文。

惟神衍派天山。導源月蝕。湛然無滓。性殊湯谷之溫。注焉不盈。德比寒泉之食。波成文而曲折。下注伊犁。

水如鏡以澄明。近隣策集。功惟潤下。勢欲朝宗。洵神應之聿昭。宜吉蠲之罔替。朕并包九寓。勘定二庭。路逾弱水之西。壬鈴遠授。地盡河源之外。戊校新屯。乃咨都護之臣。肇舉名川之祀。穿渠引水。灌溉之利攸資。剗木乘桴。濟涉之功尤遠。自古版章未闢。不登裴矩之圖。於今中外爲家。合補酈元之注。清醪載酌。制帛爰陳。康我塞垣。永作渠搜之襟帶。昭茲功德。長歆嗣歲之馨香。式薦苾芬。庶希鑒格。

塔里雅圖布拉克。

塔里雅圖布拉克在伊犁郭勒南岸。布喀鄂拉南二十里。周迴十餘里。又東南五十里。為哈畢爾罕布拉克。又西南五十里。為哈喇布拉克。唐書突厥傳乙毗沙鉢羅葉護可汗建廷雖合水北。謂之南廷。東薄伊列河。

按唐伊列河。為今伊犁郭勒。雖合水東薄伊列。則在今伊犁郭勒西可知。第考河西如阿斯哈郭勒。塔拉錫克郭勒。俱北流入伊犁郭勒者。水北殊無立國之地。惟塔拉圖哈畢爾

罕。哈喇諸布拉克。當伊犁郭勒西南境。宜屬雖合舊蹟。則所謂東薄伊列河者。亦於方位適符耳。

阿斯哈郭勒。

阿斯哈郭勒。在伊犁郭勒西。源出阿斯哈達巴東流百五十里。會入伊犁郭勒。

塔拉錫克郭勒。

塔拉錫克郭勒。在阿斯哈郭勒南六十里。源出墨爾根西里鄂拉。東流百六十里。會入伊犁郭

勒。

古爾班賽里郭勒。

古爾班賽里郭勒。在塔拉錫克郭勒西南六十里。其東爲古爾班胡蘇圖郭勒。又東爲古爾穆圖郭勒。又東爲烏蘭烏蘇。又東爲沙達圖布拉克。又東爲鄂台郭勒。又東爲那林郭勒。諸水皆發源南山。北流三十里。匯而成河。又東流折而北。又西會塔拉錫克郭勒。阿斯哈郭勒。北入於伊犁郭勒。

圖爾根布拉克。

圖爾根布拉克。在伊犁郭勒下流南。源出阿斯哈達巴比麓。東北流一百三十里。入伊犁郭勒。其東南五十里。爲古爾班察布達爾布拉克。源出阿斯哈達巴東麓。三泉相距各二十里。東北流三十里。不通伊犁郭勒。又東南爲古爾班沙濟垓布拉克。三泉相距各二十里。東北流十餘里。不通伊犁郭勒。

塔拉噶爾郭勒。

塔拉噶爾郭勒。在圖爾根布拉克西北二十里。伊犁郭勒下流南。東北流八十里入伊犁郭勒。西二十里為古爾班阿里瑪圖布拉克。凡三道。源出阿圭鄂拉北麓。東北流。不通伊犁郭勒。

額什圖郭勒。

額什圖郭勒。在塔拉噶爾郭勒西十五里。東北流八十里。入伊犁郭勒下流。

庫爾圖郭勒。

庫爾圖郭勒。在額什圖郭勒東南二十里。東北

流百里。入伊犁郭勒下流。

奎屯郭勒。

奎屯郭勒。在庫爾圖郭勒西二十五里。源出伊犁該圖鄂拉。東北行二百里。入伊犁郭勒下流。

庫克烏蘇郭勒。

庫克烏蘇郭勒。源出庫隴奎舊音庫隴鄂拉北麓。北流三百餘里。東會哈喇塔勒郭勒。察林郭勒。入於巴勒喀什淖爾。

哈喇塔勒郭勒。

哈喇塔勒郭勒。在察罕布呼圖鄂拉東北。西北流三十里。入察林郭勒。

察林郭勒

察林郭勒。源出汗哈爾察海鄂拉西麓。西北流百里。南會哈喇塔勒郭勒。又西北流八十里。入庫克烏蘇郭勒。匯入巴勒喀什淖爾。

哲克得郭勒

哲克得郭勒。在察林郭勒北三十里。西北流百餘里。入巴勒喀什淖爾。

必齊干郭勒

必齊干郭勒。在哲克得郭勒北五十里。北流入

巴克伯勒齊爾郭勒。

巴克伯勒齊爾郭勒

巴克伯勒齊爾郭勒。在必齊干郭勒東北。西北流百五十里。南會必齊干郭勒。西入於巴勒喀什淖爾。

巴勒喀什淖爾

巴勒喀什淖爾。周迴八百餘里。伊犁全河。經流

千里屈折至此。百川萬派。於焉歸宿。蓋準噶爾西北境最大澤也。左右支河。水淺可渡。處有五。曰額蘇斯德。曰喀拉塔拉。曰輝邁拉圖。曰溫托爾格。曰塔爾輝塔。統名多渾。多渾者。蒙古語。渡口之謂。

唐書王方翼傳。十姓阿史那車簿。嚙叛。圍弓月城。方翼引軍戰伊麗河。敗之。斬首千級。俄而三姓。咽麪兵十萬踵至。方翼次熱海。

按天山北路之水。其周圍廣遠。可以海名者。

惟圖斯庫勒。與巴勒喀什。淖爾。而伊犁郭勒。

里。即為巴勒喀什。淖爾上游。境尤相屬。王方翼

因戰伊麗河。而次熱海。似於今之巴勒喀什。

淖爾為近。况圖斯庫勒。於唐為碎葉水。考諸

史傳。方位適符。則巴勒喀什。淖爾之為熱海。

更相合矣。

巴倫裕勒都斯郭勒。

巴倫裕勒都斯郭勒。源出裕勒都斯西南五百

里。額什克巴什。鄂拉西麓。其水東流一百二十

里。南會特爾默哈達布拉克。又東七十里。南會
布蘭布拉克。又東一百二十里。南會哈爾噶納
圖布拉克。又東二十里。北會準裕勒都斯郭勒。
東南流五十里。分南北二流。東行二百里而後
合。其北流會什巴爾台布拉克。賽喇木布拉克。
雅瑪圖哈布齊勒布拉克。古爾班努庫爾布拉
克。袞哈布齊勒布拉克。察罕烏蘇。又合流三十
里。又北會三哈布齊垓郭勒。折而東南流。為海
都郭勒。

特爾默哈達布拉克。

特爾默哈達布拉克。在巴倫裕勒都斯郭勒源
東南七十里。南山下東北流入巴倫裕勒都斯
郭勒。

布蘭布拉克

布蘭布拉克。在特爾默哈達布拉克東七十里
南山下。東北流入裕勒都斯郭勒。

哈爾噶納圖布拉克。

哈爾噶納圖布拉克。在布蘭布拉克東一百里

東北流入巴倫裕勒都斯郭勒又東八十里。有泉北流。入哈爾噶圖布拉克。

準裕勒都斯郭勒

準裕勒都斯郭勒。源出裕勒都斯東北十里。其水西流。會布拉圖。扎哈蘇台諸布拉克。出額勒伯克鄂拉谷口。與巴倫裕勒都斯郭勒合而東南流。

布拉圖布拉克。

布拉圖布拉克。在裕勒都斯西五十里。源出準

裕勒都斯郭勒北山。凡二道。西南行三十里。入準裕勒都斯郭勒。

扎噶蘇台布拉克。

扎噶蘇台布拉克。在布拉圖布拉克西七十里。源出天山額布圖達巴東。南流四十里。入準裕勒都斯郭勒。

格訥特布拉克。

格訥特布拉克。在扎噶蘇台布拉克西四十里。源出天山額布圖達巴東。南流四十里。入準裕

勒都斯郭勒。又西小泉二道。相距三十里。南流入沙磧。

烏里雅蘇圖布拉克。

烏里雅蘇圖布拉克。在格訥特布拉克西二十里。源出天山額布圖達巴南麓。南流三十里。入準裕勒都斯郭勒。

烏爾圖布拉克。

烏爾圖布拉克。有兩源。出額勒伯克鄂拉。南流入準裕勒都斯。巴倫裕勒都斯兩河合流處。

謨海沙喇布拉克。

謨海沙喇布拉克。在烏爾圖布拉克東二十里。南行入裕勒都斯郭勒北流。

什巴爾台布拉克。

什巴爾台布拉克。在謨海沙喇布拉克東二十里。南行入裕勒都斯郭勒北流。

賽喇木布拉克。

賽喇木布拉克。在什巴爾台布拉克東四十里。南行入裕勒都斯郭勒北流。

雅瑪圖哈布齊勒布拉克。

雅瑪圖哈布齊勒布拉克。在賽喇木布拉克東三十里。南行入裕勒都斯郭勒北流。

古爾班努庫爾布拉克。

古爾班努庫爾布拉克。在雅瑪圖哈布齊勒布拉克東三十里。南行入裕勒都斯郭勒北流。

袞哈布齊勒布拉克。

袞哈布齊勒布拉克。在古爾班努庫爾布拉克東二十里。南行人裕勒都斯郭勒北流。

察罕烏蘇。

察罕烏蘇。在袞哈布齊勒布拉克東二十里。南行入裕勒都斯郭勒北流。

唐書突厥傳永徽五年。前軍蘇定方。擊賀魯別

帳鼠尼施於鷹娑川。斬首虜獲馬甚衆。回鶻傳

契苾亦曰契苾羽。在焉耆西北鷹娑川。

按巴倫裕勒都斯郭勒。經流三百餘里。準裕勒都斯郭勒。經流三百里。兩河既合。又經流四百里。其間屈折迴環。支流奔會。是古所謂

鷹娑川。在焉耆西北者也。又唐書回鶻傳。以契苾羽為榆溪州。所謂榆溪。應即鷹娑之支流。或一水殊名。未可知耳。

巴倫哈布齊垓郭勒。

巴倫哈布齊垓郭勒。在裕勒都斯東一百九十里。源出額林哈畢爾噶鄂拉南麓。經庫舍圖達巴。東南行百里。入裕勒都斯郭勒下流。匯入海都郭勒。
多木達都哈布齊垓郭勒。

多木達都哈布齊垓郭勒。在巴倫哈布齊垓郭勒東五十里。和屯博克達鄂拉南麓。西南流入博羅圖鄂拉口。入裕勒都斯郭勒下流。匯入海都郭勒。
準哈布齊垓郭勒。

準哈布齊垓郭勒。在多木達都哈布齊垓郭勒東三十里。西南流百餘里。入裕勒都斯郭勒下流。匯入海都郭勒。

唐書突厥傳。賀魯寇廷州。敗數縣去。詔左武衛

大將軍梁建方等擊之。駱宏義請寬處月處蜜等罪。專誅賀魯。願發射脾。處月處蜜契苾等兵。齎一月食。急趨之。大軍憑住洛水上。爲之景助。按三哈布齊垓郭勒。一水而東中西異其名。源出於東。其流西行。匯於海都郭勒。入於博斯圖淖爾。近廷州西境之水。其較大者。應卽唐之洛水也。當時賀魯寇廷州敗去。建方追擊。憑住洛水。宜在廷州西境。與哈布齊垓郭勒地位相合。又按自巴倫裕勒都斯郭勒至

此。東西九百里。在伊犁東南境上。

圖斯庫勒。在伊犁郭勒西南他巴爾遜達巴西。

東距伊犁三百餘里。東西四百里。南北二百里。周廣六百餘里。四圍之水。咸匯於此。其自北入者。東爲喀拉諾海布拉克。西爲沙塔圖布拉克。又西爲庫爾墨圖布拉克。又西爲推圖墨克布拉克。又西爲扎喀巴喀圖布拉克。又西爲和鄂爾察罕烏蘇。又西爲古爾班薩里布拉克。又西

爲古爾班克布拉克。其自東入者。北爲什巴爾台和賴布拉克。南爲特布克布拉克。又南爲濟爾哈朗布拉克。別有圖爾根察布拉克。古爾班扎爾奇斯布拉克。西北入濟爾哈朗布拉克。匯入於庫勒。其自南入者。東爲阿爾沙圖布拉克。西爲哈拉郭勒。又西爲野圖庫斯布拉克。又西爲伊克烏蘭烏蘇。又西爲昭哈布拉克。又西爲古爾班雅爾哈沁布拉克。又西爲巴爾渾布拉克。又西爲塔木哈布拉克。又西爲托索爾布拉克。

克。又西爲通布拉克。又西爲阿克布拉克。又西爲塞布拉克。又西爲空郭爾額隆布拉克。又西爲烏布什布拉克。又西爲鄂拉郭勒。其自西北入者。南爲和碩和爾布拉克。北爲運阿里克布拉克。又北爲察察爾哈奈和賴布拉克。其水分流西北爲吹郭勒。千有餘里。入和什庫勒。

唐書王方翼傳初方翼次葛水。暴漲。師不可渡。沈祭以禱。師涉而濟。又七月。次葉河。無舟而冰一昔合。人以爲祥。突厥傳蘇定方追賀魯至碎

葉水。盡奪其衆。

按唐碎葉水。在伊麗河西。今伊犁郭勒西之水。最大者為圖斯庫勒。其為碎葉遺跡無疑。王方翼兵次葉河。水合得渡時。先敗咽麴兵於伊麗河。追北至此。則所謂葉河者。應即碎葉水之別名。而葛水與之相近。當屬支河之分出者耳。

吹郭勒。

吹郭勒。在圖斯庫勒西北二百里。踰渾都賴鄂

拉。又西北二百里。分支東行百餘里。為諾渾淖爾。又西北經流千里。其自南來會之水。咸發源呼巴海鄂拉西境。迤屬諸山內。經流各一二百里。匯入吹郭勒。西北入於和什庫勒。
唐書西域傳有碎葉者。出安西西北千里。所得勃達嶺。西南直葱嶺。贏二千里。水南流者。經中國入於海。北流者。經胡入於海。繇勃達嶺北行。贏千里。得細葉川。川長千里。

按圖斯庫勒名碎葉水。吹郭勒自圖斯庫勒

西北出者亦得以碎葉名之。吹郭勒之水北流入和什庫勒。南流入圖斯庫勒。與唐書碎葉南流北流之說合。蓋圖斯庫勒特為碎葉會歸之處。若其支派繁多。經流廣遠。自必合吹郭勒諸水。而後見碎葉之全。至西域諸山泉源輪灌。脈絡遙通。自木素爾達巴一帶山泉北流入圖斯庫勒。南流入山南之木素爾。哈布薩朗。赫色勒諸郭勒。東南行千餘里。入羅布淖爾。則所謂水南流經中國入於海者。

又舉其經流數千里全體而言。非謂碎葉一川。即能跨越中外之境也。

薩拉圖郭勒。

薩拉圖郭勒。在呼巴海鄂拉北。北流六十里。入

吹郭勒。

沙木什郭勒。

沙木什郭勒。在薩拉圖郭勒西三十里。北流八十里。入吹郭勒。

烏蘭烏蘇郭勒。

烏蘭烏蘇郭勒在沙木什郭勒西二十里。北流一百十里。入吹郭勒。

格格圖郭勒。

格格圖郭勒在烏蘭烏蘇郭勒西二十五里。有兩源。北流四十里而合。又北流百二十里。入吹郭勒。

阿什圖郭勒。

阿什圖郭勒在格格圖郭勒西二十里。北流一百四十里。入吹郭勒。

達布蘇圖郭勒。

達布蘇圖郭勒在阿什圖郭勒西二十里。北流百里。入阿什圖郭勒。

阿爾察圖郭勒。

阿爾察圖郭勒在達布蘇圖郭勒西四十里。有東北兩源。各北流七十里而合。又東北流五十里。入吹郭勒。

伊蘭巴什郭勒。

伊蘭巴什郭勒在阿爾察圖郭勒西南。北流不

通吹郭勒。

庫克薩爾郭勒。

庫克薩爾郭勒。在阿爾察圖郭勒西三十里。北

東流一百五十里。入吹郭勒。

索郭魯克郭勒。

索郭魯克郭勒。在庫克薩爾郭勒西二十里。北

東流一百五十里。入吹郭勒。

察罕烏蘇郭勒。

察罕烏蘇郭勒。在索郭魯克郭勒西二十里。北

東流一百四十里。入吹郭勒。

哈喇巴勒圖郭勒。

哈喇巴勒圖郭勒。在察罕烏蘇郭勒西二十里。

北流四十里。成巨浸。周三十里。又北流五十里。

入吹郭勒。

古爾班哈納圖郭勒。

古爾班哈納圖郭勒。在哈喇巴勒圖郭勒西三

十里。河流三道。中東二道。北流七十里而合。又

北流六十里。其西道北流百五十里。入墨爾根

郭勒。

阿什布魯爾郭勒。

阿什布魯爾郭勒。在哈納圖郭勒西二十五里。

北流七十里。入墨爾根郭勒。

墨爾根郭勒。

墨爾根郭勒。在阿什布魯爾郭勒西二十五里。

北流五十里。東會阿什布魯爾郭勒。哈納圖郭

勒。又北東流八十里。入吹郭勒。

和什庫勒。

和什庫勒。在吹郭勒西北。吹郭勒以南諸水。咸會於是。周迴三百里。

塔拉斯郭勒。

塔拉斯郭勒。在吹郭勒西南三百餘里。源出天

山北額得墨克達巴。初分四水。北行三十餘里。

合流北注。東西岸匯入之河。凡十餘道。東西支

河交會之處。經流二百餘里。為塔拉斯郭勒上

流。又名烏魯穆瑪拉爾郭勒。支河交會後。西行

三百里之間。又名察拉哈雅郭勒。由是折而西

行二百里。為小海。周迴三百里。總名塔拉斯郭勒。

按唐書西突厥傳。稱其地東即突厥。西雷翁海。南疏勒。北瀚海。以當時十姓部落考之。五弩失畢部居碎葉西。則所謂雷翁海者。應更在五弩失畢部西境。今圖斯庫勒西。吹郭勒南岸。額得墨克諸境為唐五弩失畢部故壤。而吹郭勒。塔拉斯郭勒下流。瀦為淖爾。又居其西北境。或即雷翁海舊蹟。未可知也。

額得墨克郭勒。

額得墨克郭勒。在塔拉斯郭勒源東北。烏可克達巴西。河有兩源。西北流三百餘里。西入塔拉斯郭勒。

古爾班哲爾格郭勒。

古爾班哲爾格郭勒。在額得墨克郭勒北。哲爾格鄂拉西麓。有三源。西流三百里。合為一水。西入塔拉斯郭勒。

哈喇郭勒。

哈喇郭勒。在古爾班哲爾格郭勒北一百里。源出呼巴海鄂拉西麓。北會四小水。行三百里。西入塔拉斯郭勒。

庫穆什郭勒。

庫穆什郭勒。在塔拉斯郭勒西南。源出庫穆什鄂拉。東北流二百里。入塔拉斯郭勒。

哈喇布拉郭勒。

哈喇布拉郭勒。在庫穆什郭勒西北。源出哈喇布拉達巴。東北流四百里。入塔拉斯郭勒。

森格爾淖爾。

森格爾淖爾。在陽阿爾西北二百里。額得墨克達巴南麓。周圍五十餘里。不通他水。

阿爾沙郭勒。

阿爾沙郭勒。在塔拉斯郭勒西二百餘里。源出南山中。始東流百餘里。折而北流百餘里。經巴噶布魯勒鄂拉之西。又西北流百餘里。入於沙磧。

明布拉克。

明布拉克。在阿爾沙郭勒南。哈喇布拉達巴北。西流四十里。匯為小澤。周十餘里。由是南踰山嶺。入布魯特境。

阿克庫勒淖爾。

阿克庫勒淖爾。在阿爾沙郭勒西百餘里。沙磧中小澤也。周圍五十里。

必庫勒淖爾。

必庫勒淖爾。在阿克庫勒淖爾西北二百里。圓廣亦如之。又西行入西哈薩克境。

欽定皇輿西域圖志卷之二十六

欽定皇輿西域圖志卷之二十七

水四

天山南路一

塔呼庫勒

納呼庫勒

齊克塔木郭勒

闢展郭勒

魯克察克郭勒

洋赫郭勒

土爾番郭勒

招哈郭勒

哈喇和卓郭勒

濟木薩郭勒

托克三郭勒

伊拉里克布拉克

天博羅圖郭勒

水四塔什海郭勒

楚輝郭勒

奇爾歸圖郭勒

特伯勒古布拉克

哈喇烏蘇

博斯騰淖爾

海都郭勒

羅布淖爾

車爾楚郭勒

額什墨郭勒

策特爾郭勒

恩楚魯克郭勒

伊蘭布拉克

第納爾郭勒

塔什阿里克郭勒

巴巴淖爾

奇里什郭勒

哈喇庫勒

額什克巴什郭勒

赫色勒郭勒

烏恰特達里雅

額爾勾郭勒

哈喇烏蘇

哈布薩朗郭勒

木素爾郭勒

綽爾噶布拉克

阿察哈喇郭勒

庫克墨爾根郭勒

特木爾烏蘇郭勒

呼木阿里克郭勒

托什干達里雅

阿克蘇郭勒

敖爾他克齊鄂斯騰

烏什
庫車
焉耆
吐魯番
鄯善
哈密

欽定皇輿西域圖志卷之二十七

水四 天山南路

塔呼庫勒

塔呼庫勒

塔呼庫勒在塔呼南庫克托羅海北五里周迴

十餘里

納呼庫勒

納呼庫勒在納呼北當四山中周迴十餘里

齊克塔木郭勒

齊克塔木郭勒。在齊克塔木城東。源出南山中。東北流三十里。入於沙磧。

關展郭勒。

關展郭勒。在關展城西。源發楚輝城南山麓。東北流二十里。經關展城西。出孔道北十里。入於沙磧。

魯克察克郭勒。

魯克察克郭勒。源發金嶺南麓。西南行過色爾啟布城。又西行至魯克察克城南。其北流傍嶺

分兩流。經流連木齊木左右。色爾啟布連木齊木。魯克察克諸城。咸資灌溉。

洋赫郭勒。

洋赫郭勒。在洋赫城北。魯克察克城西。源出金嶺南麓。北流十餘里。入於地。

土爾番郭勒。

土爾番郭勒。源發土爾番西金嶺。南流經土爾番城西。南行數里。入於地。北流踰布拉里克西。折而東行至森尼木西。又折而南行。入玉門口。

分兩流。其東流經哈喇和卓城東。爲哈喇和卓郭勒。西流經阿思塔克城西。各十數里入於地。招哈郭勒。

招哈郭勒亦名交河。在土爾番郭勒西十里。源出招哈河屯北金嶺中。南流分兩支。環城左右而南注。至城南折而西南流二十里入於沙磧。漢書西域傳河水分流繞城下。故號交河。

按西域山川名號。古今互易。徵引典籍。率以道里方位爲定。而於音韻轉移間得之者。如

伊列之轉爲伊犁。于闐之轉爲和闐。亦都足審證。至若招哈郭勒之亦名交河。則今昔相沿。尙存漢唐稱謂之舊。尤所僅見也。

哈喇和卓郭勒。

哈喇和卓郭勒。在哈喇和卓城東二十里。源出金嶺西流。入於地。

濟木薩郭勒。

濟木薩郭勒。源二道。出天山南麓。合而南流五里入於沙磧。

托克三郭勒。

托克三郭勒。源出博克達鄂拉南麓。有三源。合而南流。名鄂蘭布拉克。過都魯達巴。又一水出伊拉里克東。西南來。經流托克三城南。入托克三郭勒。托克三。布干。伊拉里克諸城。咸資灌溉。伊拉里克布拉克。伊拉里克布拉克。在伊拉里克城東二十里。源出金嶺西南流。入托克三郭勒。

博羅圖郭勒。

博羅圖郭勒。源出博羅圖塔克北谷口。折而西流。經阿拉癸鄂拉南。西行一百三十里。出阿拉癸鄂拉西谷口。蒼翠迎眸。清流繞足。致為佳勝。塔什海郭勒。

塔什海郭勒。在博羅圖塔克西南一百八十里。源出察罕通格西北二十里。其一流迤東行一百里。當額爾坤達巴之南。一流南行繞出山峽。經烏沙克塔勒東。

楚輝郭勒。

楚輝郭勒源出楚輝塔克南麓南行經楚輝城西十里入於地。

奇爾歸圖郭勒。

奇爾歸圖郭勒在塔喀爾齊西十里源出楚輝塔克南麓偏西南流一百里入博斯騰淖爾。

唐書地理志自西州西南行渡淡河至焉耆鎮城。

按焉耆鎮城當屬今之哈喇沙爾城淡河居其東北則正今之奇爾歸圖郭勒也。

特伯勒古布拉克。

特伯勒古布拉克在特伯勒古西十里當孔道北周五里許無支流。

哈喇烏蘇。

哈喇烏蘇在特伯勒古西四十五里當孔道北周三里許無支流。

按回地山水名彼此相同者山如烏可克達巴水如哈喇烏蘇之類皆名同地異因為隨地分見餘倣此。

博斯騰淖爾。

博斯騰淖爾。在哈喇沙爾城南四里。東西袤三百餘里。廣半之。周七百餘里。亦名待雅海子。北岸受奇爾歸圖郭勒。海都郭勒兩水。而海都郭勒爲大。

漢書西域傳焉耆國近海。水多魚。

後漢書班超傳超討焉耆。去城二十里。止營大澤中。

魏書西域傳焉耆國南去海十餘里。有魚鹽蒲

葦之饒。

周書

唐書西域傳焉耆所都。海水繚其外。孝恪倍道絕水。夜傳堞。遲曙。譟而登。鼓角轟哄。唐兵縱。國人擾敗。斬千餘級。

按明統志稱焉耆國。在今土爾番西無疑。然土爾番西至蔥嶺並無大澤可當海之名者。又謂四面大山。海水曲入四山之內。其地更無可考。以今求之。則博斯騰淖爾。當土爾番西南。羅布淖爾。又當博斯騰淖爾之南。班超

傳所謂大澤。魏書所謂南去海十餘里者。卽班史所謂近海。應指博斯騰淖爾而言。若後漢書所謂海水曲入四山之內者。應屬今之羅布淖爾。在四面大山之外。與博斯騰淖爾相距約二百里。形勢適合。方位道里。亦灼然不誣。蓋自宋以後。中國無人。使至其地。殊方隔境。考索爲難。宜明統志誤以爲並無大澤。而以無可考槩之也。

海都郭勒。

海都郭勒。在哈喇沙爾城西十里。源出天山中。合三哈布齊垓郭勒。東西裕勒都斯郭勒。旁挾衆水。東南流出海都塔克口。名海都郭勒。迂曲而南。二百五十里許。始抵哈喇沙爾城北。環其西南。稍折而東。匯入博斯騰淖爾。河面冬春廣不過一里。夏秋漲發。輒至三四里。奔騰澎湃。中溜更汎急。河底淤沙聚散。深淺靡常。哈喇沙爾屯田。悉藉此水。其下流入博斯騰淖爾。復醜而西南流者。仍名海都郭勒。經哈勒噶阿爾南。西

過庫隴勒轉而東南流。入於羅布淖爾。

〔後漢書班超傳〕超討焉耆。有葦橋之險。國王廣絕橋。不欲令漢軍入國。超從他道厲渡。

〔水經注〕郭薨之水。出焉耆之北。二源俱道。西源東流。分爲二水。左水西南流。出焉耆之西。經流焉耆之野。屈而東南流。注於敦薨之渚。右水東南流。又分爲二。左右焉耆之國。城居四水之中。在河水之洲。南會兩水。同注敦薨之浦。東源東南流。分爲二水。澗瀾雙引。洪湍濬發。俱東南流。

逕出焉耆之東。道於危須城西。又東南流。注於敦薨之藪。川流所積。潭水斯漲。溢流爲海。

按漢書班超討焉耆時。居龜茲。發八國兵到尉犁界。是從焉耆國西南境入。所謂葦橋之險。當屬今海都郭勒也。至海都郭勒上流。其自西北來者。曰裕勒都斯郭勒。自東北來者。曰哈布齊垓郭勒。合而東南流。出海都塔克口。正當焉耆北境。卽水經注所謂敦薨之水。出焉耆北。二源俱道者也。海都郭勒經哈喇

沙爾城西與奇爾歸圖郭勒。雙流交會。所謂出焉者之西。經流焉者之野。左右焉者之國。逕出焉者之東者。形勢猶存。至海都郭勒下流。與奇爾歸圖郭勒。同注博斯騰淖爾。蓋卽所謂南會兩水。同注敦薨之浦。東南流。注於敦薨之藪者。潭水溢而爲海。當指博斯騰淖爾而言。亦與史漢諸書焉者近海之說相合。羅布淖爾。

羅布淖爾。在博斯騰淖爾正南二百里。東南距

噶斯淖爾二百里。卽古蒲昌海。一名泐澤。又名鹽澤。又名輔日海。又名牢蘭。又名臨海。又名捕魚兒海。海都郭勒水。西北匯入。其西來匯入諸水。經流廣遠。統分五大支。一爲庫車左右額什克巴什。赫色勒。木素爾諸郭勒。合流爲額爾勾郭勒。一爲阿克蘇郭勒。一爲喀什噶爾郭勒。一爲葉爾羌郭勒。一爲和闐郭勒。合流爲塔里木郭勒。東入額爾勾郭勒。北會海都郭勒。入於羅布淖爾。奔淪湍急。周迴五百里。旁有小洲數十。

東山 史記 東水 出焉 安可 漢書 一名 煌璁 水經

西 斥 山 渾 嶺 復 蒲 增 行

水積鄯善之東北。龍城之西南。龍城故姜賴之
虛。胡之大國也。蒲海溢。盪覆其國。城基尙存。地
廣千里。皆爲鹽而堅剛也。行人所逕。畜產皆布
氈臥之。掘發其下。有大鹽方如巨枕。以次相累。
少禽多鬼怪。西接鄯善。東連三沙。爲海之北隘
矣。故蒲昌亦有鹽澤之稱也。廣袤三百里。其水
澄渟。冬夏不減。其中迴湍雷轉。爲隱淪之脈。當
還流之上。飛禽奮翮於霄中者。無不墜於淵波
矣。卽河水之所潛。而出於積石也。

裴矩西域記鹽澤在西州高昌縣東。東南去瓜
州一千三百里。並沙磧之地。

括地志蒲昌海。一名輔日海。亦名牢蘭。亦名臨
海。在沙州西北。

明史西域傳洪武中。藍玉征沙漠。至捕魚兒海。
獲賽瑪爾堪。舊作撒馬兒。今改正。商人數百。太祖遣官
送之還。

肅州新志羅布淖爾。在火州之南。由土爾番往
南約五百餘里。有大澤一區。方圓數百里。塔里

水河自西南來。額爾勾河自正西來。海都河自西北來。咸會於此。自沙州之哈喇淖爾正西。小徑亦可達。計程不及一月。

按河水自蒲昌海潛行地下。至積石復出爲中國河源。其說見於山海經。史記。漢書。水經。注諸書。先儒傳習。都無異說。自唐杜佑作通典。不取其說。宋歐陽忞謂其荒遠不經。元潘昂霄河源志。亦以史稱河有兩源。一出于闐。一出蔥嶺爲誕妄。於是河水潛行之說。不復

取信於後人。不知河水襟帶天地間。其源流分合。有未可以一說拘者。臣等恭讀

聖

祖訓諭黃河之源。出西寧邊外。庫爾坤山之東。衆泉渙散。不可勝數。望之燦如列星。蒙古謂之敖敦他拉。西番謂之梭羅木。中華謂之星宿海。是謂河源。又云梵書四大水。出於阿耨達山下。有阿耨達池。以今考之意。卽岡底斯。是唐古特稱岡底斯者。猶云衆山水之根。與釋典之言相合。誠可謂昭若發矇矣。謹考岡底斯。在蔥嶺西南。西藏之西。山勢聯延委折。

東北接蔥嶺。東南屬庫爾坤。地當天下之脊。而山皆一脈所分。則所謂河源者。或隨山東南下而發於庫爾坤。或隨山東北走而發於蔥嶺于闐。其發於庫爾坤者。東行至積石山。其發於蔥嶺于闐者。亦東行至蒲昌海。潛行南下而會於積石山。同流入中國爲河源。此其較然可見者。漢桑欽水經云。崑崙墟在西北。河水出其東北陬。屈從其東南。流入渤海。又出海外南至積石山下。有石門。河水冒以

車爾西南流。此指河源之發於庫爾坤者言也。又云。河水又南入蔥嶺山。又云。其一源出于闐國南山北流與蔥嶺河合。東注蒲昌海。此指河源之發於蔥嶺于闐者言也。所謂河有重源者。在水經已有明文矣。至其潛行而出於積石。所謂東望沕澤河水所潛。敦薨之水。西流注於沕澤。出於崑崙之東北隅。實爲河源者。山海經復明著其說。安得於其出崑崙者則信之。於其出蔥嶺于闐者則疑之乎。宋元

以來。以地荒遠。未經詳考。著述之家。立言多悖於古人。方今

聖代坤輿無外。凡古所謂崑崙蔥嶺于闐河源自出之處。皆近隸版籍。得以往來詳審。現在形勢。其經流分合。有與山經水注史漢諸書。一一昭合者。乃知古人之不可厚非。而杜佑歐陽忞潘昂霄之說。徒以其所及見者。執此一隅。概彼全局。有如東面而不見西牆者矣。車爾楚郭勒。

車爾楚郭勒。在海都郭勒西北。天山南麓。西南流三十里。入於沙磧。

額什墨郭勒。

額什墨郭勒。在車爾楚郭勒西南一百里。水流

濁。源出北山南麓。西南流一百八十里。入於沙

磧。

策特爾郭勒。

策特爾郭勒。在額什墨郭勒西六十里。源出天

山北麓。

恩楚魯克郭勒。

恩楚魯克郭勒。在策特爾郭勒西八十里。水非

一道。繞英噶薩爾。舊音英阿雜。爾今改正。左右流皆淺小。

伊蘭布拉克。

伊蘭布拉克。在英噶薩爾西南八十里。源出北

山之哈喇庫勒達巴。南流橫截孔道。又南流一

百里。入於沙磧。

唐書地理志榆林守捉城。又五十里。至龍泉守

捉。爾

按唐榆林守捉。在今英噶薩爾。詳見卷十則

西五十里之龍泉守捉。當在伊蘭布拉克之

東。所謂龍泉。疑卽今伊蘭布拉克也。

第納爾郭勒。

第納爾郭勒。在伊蘭布拉克西一百里。玉古爾

城西。源出哈喇庫勒達巴西。小流彎環。支派非

一。南流一百二十里。入於沙磧。

塔什阿里克郭勒。

塔什阿里克郭勒。源出北山南麓。第納爾郭勒

西六十里。阿巴特西。南流一百三十里。入於巴
巴淖爾。

〔唐書地理志〕西夷僻守捉。又六十里。至赤岸守
捉。

按今塔什阿里克郭勒東之阿巴特。爲西夷

僻守捉。詳見卷十
五疆域。則西六十里之赤岸守捉。

當在塔什阿里克郭勒西也。云赤岸者。知爲
瀕河之地。

巴巴淖爾。

巴巴淖爾。三澤相通。中曰巴巴。東曰達巴噶爾
德淖爾。西曰赫色勒庫勒淖爾。在阿巴特南一
百里。東西一百五十里。南北廣狹不一。不當孔
道。塔什阿里克郭勒自北來。入巴巴淖爾分流
左右兩澤。所受祇此一河。不通他水。

奇里什郭勒。

奇里什郭勒。在塔什阿里克郭勒西五十里。源
出天山北麓。南流六十里。至托和鼐地。卽名托
和鼐郭勒。居民藉以汲飲。

哈喇庫勒。

哈喇庫勒源出額什克巴什鄂拉南流入額什克巴什郭勒。又東有庫克訥克郭勒水西南流會哈喇庫勒入額什克巴什郭勒。

額什克巴什郭勒在托和爾西南五十二里橫當孔道自北山庫克納克哈喇庫勒二水匯而南流卽名此河。河流寬廣冬日亦五六丈深數尺。經流二百餘里折而東入額爾勾郭勒。

赫色勒郭勒。

赫色勒郭勒有三源。一源出額什克巴什鄂拉東南麓西流。一源出額什克巴什鄂拉南麓南流。一源出阿勒坦呼蘇鄂拉南麓東南流。三流會爲一河西南流名赫色勒郭勒。東距庫車一百六十里。又南流西會木素爾郭勒。東南流出南谷口。爲烏恰特達里雅。

按水經注龜茲川西源出北大山南。又出山東南流。今赫色勒郭勒發源處西南流。所謂

源出北大山南也。自過賽喇木東。又西會木素爾郭勒之後。乃出南山谷口。折而東南流。所謂又出山東南流也。

烏恰特達里雅。

烏恰特達里雅。

達里雅。回語。謂大河也。餘做此。

舊音鄂根。或名

渭甘。皆音之訛也。在庫車西南一百里。即赫色勒郭勒下流。東南行。經庫克布葉之北。又經沙雅爾城北。名沙雅爾郭勒。遂東南會額什克巴赫什郭勒。東入額爾勾郭勒。乾隆二十三年六月。

大兵圍庫車未下。小和卓木霍集占以兵由沙雅爾來援。渡烏恰特達里雅。近庫車城十里外。領隊大臣順德訥。愛隆阿。端濟布等。分兵兩翼追剿。自卯至辰。奮勇鏖戰。賊不敵。三路走。我兩翼兵亦分為三。追擒至烏恰特達里雅口。賊踉蹌溷渡。人畜溺死無算。共剿殺賊一千六百餘級。河水為之不流。獲回纆二。有御製回纆行詩。見服物門。

額爾勾郭勒。

額爾勾郭勒。在庫車東南。西承烏恰特達里雅。額什克巴什郭勒。合而東流。爲額爾勾郭勒。又東流六百餘里。北會海都郭勒。又東二百二十里。入羅布淖爾。

水經注北波河。又東逕龜茲國南。又東左合龜茲川。水有二源。西源出北大山南。其水南流逕赤沙山。又出山東南流。枝水左派焉。又東南水流三分。右二水俱東南流。注北河。又東川水出龜茲東北。赤沙積梨南流。枝水右出。西南入龜

茲城。川水又東南流。逕於輪臺之東也。其水又東南流。右會西川枝水。水有二源。俱受西川。東流逕龜茲城南。合爲一水。水間有故城。蓋屯校所守也。其水東南注東川。東川水又東南逕烏壘國南。其水又東南注大河。大河又東右會敦薨之水。

魏書西域傳龜茲國南三百里有大河。東流號計式水。卽黃河也。

按今庫車爲龜茲國地。左右兩水夾城。西爲

赫色勒郭勒。下流爲烏恰特達里雅。東爲額
什克巴什郭勒。皆發源北山。分道南流。至庫
車城南百五十里而合。又東南流入於額爾
勾郭勒而東注。經巴巴淖爾南。東行六百里。
然後北會海都郭勒而東歸於羅布淖爾。此
庫車境左右諸河之大概也。以水經注核之。
所謂水有二源者。卽今庫車城左右兩河也。
所謂西源出北大山南。其水南流逕赤沙山。
與所謂西川者。爲赫色勒郭勒下流。踰山爲

烏恰特達里雅者也。所謂東川水者。卽額什
克巴什郭勒也。所謂東川右會西川枝水。西
川東流逕龜茲城南。合爲一水者。卽今烏恰
特達里雅額什克巴什郭勒。至庫車城南百
五十餘里而合也。所謂西川東南注東川。東
川水又東南逕烏壘國。又東南注大河者。卽
烏恰特達里雅。東南注額什克巴什郭勒之
後。又東南行。過額什墨郭勒。車爾楚之南。爲
額爾勾郭勒也。由是東行。北會海都郭勒。入

羅布淖爾。卽水經注所謂大河。又東右會敦薨之水。入蒲昌海也。至魏書載龜茲國南計式水。與今額爾勾郭勒。北距庫車里數相合。且爲喀什噶爾。葉爾羌諸郭勒下流。入蒲昌海。潛行爲中國河源者。故云計式。卽黃河。應卽今之額爾勾郭勒耳。

哈喇烏蘇。

哈喇烏蘇。在賽喇木西六十里。源在北山南麓。南流。入木素爾郭勒。

哈布薩朗郭勒。

哈布薩朗郭勒。在拜西十里。北山有二泉。異源同流。南入木素爾郭勒。河濱設建水磨三處。引水灌田。又西有特里舒克郭勒。

木素爾郭勒。

木素爾郭勒。發源天山正幹之木素爾鄂拉。有兩源。合而西南流。又折而東南流。北會哈布薩朗郭勒。東過拜南。北會哈喇烏蘇。又東過賽喇木南。會赫色勒郭勒。東南行。下流詳見赫色勒。

郭勒條。

綽爾噶布拉克。

綽爾噶布拉克。在木素爾郭勒西南五十里。雅哈阿里克西南三十里。源出北山。東南流。淺而不涸。

阿察哈喇郭勒。

阿察哈喇郭勒。在綽爾噶布拉克西一百六十里。源在木素爾達巴西南麓。至圖格哈納達巴西。分兩流南下。當孔道。

水經注北河又東逕姑墨國南。姑墨川水注之。

道姑墨西北赤沙山。東南流逕姑墨國西。其水又東南流。右注北波河。

唐書地理志姑墨州南臨思渾河。西北渡撥換河中河距思渾河百二十里。

按水經載姑墨川在姑墨西北。今阿察哈喇郭勒。在雅哈阿里克西北。當即所謂姑墨川也。其南與塔里木郭勒相近。是即所謂東南流右注北波河者。今川流南下。滲於沙土。右

注之蹟。雖不可考。而形勢自存。至唐地理志所稱姑墨州西北之撥換河。應卽水經注之姑墨川。今阿察哈喇郭勒。南距塔里木郭勒百餘里。卽所稱撥換河。南距思渾河一百二十里也。

庫克墨爾根郭勒。

庫克墨爾根郭勒。源出薩瓦布齊鄂拉。在阿克蘇北百餘里。南流入呼木阿里克郭勒。

特木爾烏蘇郭勒。

特木爾烏蘇郭勒。源出庫克墨爾根郭勒西一百里北山下。東南流。入呼木阿里克郭勒。

呼木阿里克郭勒。

呼木阿里克郭勒。在阿克蘇城西三十里。承庫克墨爾根。特木爾烏蘇二水合而南流。支派非一。並入托什干達里雅。

托什干達里雅。

托什干達里雅。在呼木阿里克郭勒西。源出烏什西烏成庫什達巴。東流四百里許。經烏什之

北。分流為托噶爾瑪郭勒。又東會呼木阿里克郭勒。南海。是為阿克蘇郭勒。

阿克蘇郭勒。

阿克蘇郭勒。在阿克蘇南四十里。自北山之呼木阿里克郭勒。托什干達里雅東南流。過阿克蘇西孔道百餘里。合流為阿克蘇郭勒。又三十里分兩流。經阿克蘇南孔道。至哈爾噶額密什南。折而東。為塔里木郭勒。

水經注北河之東。南逕溫宿國。枝河右入北河。

葉溪校

又河水暨於溫宿之南。左合枝水。上承北河於疏勒之東。

按阿克蘇為古溫宿國地。水經注所謂枝河右入北河。左合枝水者。應即呼木阿里克。托什干諸河。而所謂北河東南逕溫宿。上承北河於疏勒之東者。應即喀什噶爾郭勒東行。北會阿克蘇郭勒。東入塔里木郭勒處也。敖爾他克齊謬斯騰。

敖爾他克齊謬斯騰。

謬斯騰。回語謂落成之河也。餘做此。

在托什

干達里雅北。北山諸小水。咸匯於是。分流南出。即為托什干達里雅。

欽定皇輿西域圖志卷之二十七

對水土承北所伏

